



## PROEMIUM.



Ignissimam omniq; xvo memorandam sententiam D. Paulus tulit, facta, quæ sacro fidelium cœtui imminet, tristissima graphicè depingens, ac circumspectâ animi prudentiâ expectanda monens, dum inquit ἐξαγοραζόμενοι τὸν καιρὸν ὅτι αἱ ἡμέραι πονηραὶ εἰσι Ephes. V. 16. Cujus saluberrimi moniti memoriam nos rectè diligenterqve conservamus, hac potissimum tempestate, quâ *Tempora destruuntur, profstrata jacet pietas, silens Leges, musitant Musa, dira execrationes singulis momentis audiuntur, pagi incenduntur, urbes & villa exueruntur, arva ab agricolis inculta deserantur, matrimonia violantur, virgines constuprantur, liberi orphani redduntur, nobilitas excinditur, plebs expilatur, æconomia dissipatur, securitas nulla neq; extra, neq; intra mœnia reperitur!* Ut summus quondam Theologus suorum temporum calamitatem deplorat. Ingruunt certè prædicta à Christo tempora, quibus συνοχὴ ἐν ἀπορίᾳ καὶ ἀπέψυξις plurimorum corda tenet, maxime piorum, ita ut nisi Christus, rupes, sive petra illa salutis ⲁⲓⲛⲉⲧⲏⲛ fuisset, jam dudum periissent in afflictionibus suis. In hac petra dum confidunt, pro certo habent, portas inferorum adversus se non prævalituras esse. In hac Petrà securi cum Bernharde serm. 61. in Cant. dixerunt: *Quid non boni in Petrà? In Petra exaltatus, in petra securus, in petra firmiter sto. Eremit mundus, premit corpus, Diabolus infidatus, non cedo, fundatus enim sum super Petram firmam.* Hanc Petram Ecclesiæ ex Matth. XVI, comm. 18. afflictis hisce temporibus in nostri informationem ac consolationem aliquantò penitiùs, adjuvante Domini Spiritu considerabimus; id quod Exegerica, Problematica atq; Axiomatica, adeoque tribus Sectionibus, ne fiat ἀτάκτως, absolvens, sit itaque

A

SECTIO.